

# MME ANAM-UTOM ỌTỌ-KIET YE CHRIST

1Nwedi Corinth 4: 1-20; 9: 16-27; 2Nwedi corinth 5: 17-21; 6: 1-10

## ỌYỌHỌ UKPEP NKPỌ 391

Eke Mkparawa

**IKỌ IBUOT:** “Imekpe mbufo ubok ke ibuot Christ, ekabare etie ke emem ye Abasi”  
(II Nwedi Corinth 5:20).

### Ndikpe p Nto Jesus

Mbemiso Jesus aka ke Heaven, Enye ama ọdọhọ mbet Esie ke ana mmọ ekwọrọ Ikọ enyuñ esuan etimbuk ke ofuri ererimbot. Ndusuk mbet Esie ema edu ye Jesus isua ita ye ubak. Jesus ekedi uwut nkpọ ọnọ mmọ, Jesus akasaña ke ebiet ke ebiet anam ufọn ọnọ owo (Utom Mme Apostle 10:38). Enye “anam ediwak owo emi edọhọde nsio-nsio udọhọ ekop nsọhọdem, onyuñ ebin ediwak demon ọduok” (Mark 1:34). Ke ini otu owo ekekande Jesus ekuk ke capernaum, “enye onyuñ etiñ ikọ ọnọ mmọ” (Mark 2:2). Enye ekpep mbet Esie nkpọ onyuñ ọkwọrọ Ikọ Abasi ọnọ mmọ ke enyọn obot.

Nte Enye asañade ke ebiet ke ebiet “ọkwọrọ onyuñ obuk eti mbuk Ubọh Abasi” (Luke 8:1) mbet duopeba enyuñ esaña ye Enye. Mme anditiene Jesus ema ekpep nkpọ eto Enye. Ke ini Jesus ama eketiñ nke asuan mkpasip, mbet Esie ema eyom Enye anam nke oro añaña mmọ. Ke ediwak ini Jesus ekesimek ndikpep mbet Esie mme ntọtuñ ọkpẹ-nkpọ koro “eyak enọ mbufo ndifiok ndibe nkpọ Obio Ubọh Heaven” (Matthew 13:11). Jesus ama etiñ ọnọ mbet Esie ete ke ediwak mme etiñ ntiñ-nnim ikọ ye nti owo ema eyom ndifiok mme nkpọ eke Enye ekekpepe mme anditiene Enye. Enye ọkọdọhọ ete “ọfọfọn ọnọ enyin mbufo, koro mmọ ekutde nkpọ; onyuñ ọfọfọn ọnọ utọn mbufo, koro mmọ ekopde ikọ” (Matthew 13:16).

### Ewuhọ

Ke ini Jesus ọkọdọhọde mbet duopeba eka, Enye ama ọnọ mmọ item ke se mmọ ekenyenede ndinam. Jesus ọkọdọhọ ete, “nte mbufo ekade, ekwọrọ ete, Ubọh Heaven ke ekpere” (Matthew 10:7). Ikokureke ke Jesus nditeme mbet Esie se akpanade nte mmọ enam, Enye ama ọnọ mmọ odudu ndinam utom oro (Matthew 10:1).

Ke oro ebete, Jesus ama emek owo 70 efen ndikwọrọ Eti-mbuk. Jesus ọkọdọhọ ete, “Ke akpanikọ idok okpon, edi mme anam-utom iwakke, ebeñe ndien enyene-idok, ete, Enye osio mme anam-utom ọdọhọ edi ke idok Esie” (Luke 10:2). Owo 70 emi ema eka ndinam utom nnọ Ọbọh. Ke ini mmọ ekefiakde enyọn edi, mmọ ema edọhọ ete ke enyiñ Ọbọh mmọ ema ebin mme demon esioño ke idem mbon udọhọ ye ke idem mmọ emi mibọhọ erinyaña. Edi Jesus ọdọhọ mmọ ete, “Edi ekudat esit koro mme spirit esukde ibuot enọ mbufo; edi edat esit koro ema ewet enyiñ mbufo ke Heaven” (Luke 10:20).

### Ndidi Ntiense

Mme usuñ emi ke Jesus akada otim mme anditiene Enye idem ebeñe ndisuan Eti-mbuk, ke ndikpep, nyuñ nkwọrọ Ikọ Abasi. Jesus ama etiñ ọnọ mmọ ete ke Imọ imọhọ inyọh. Enye ọkọdọhọ ete, “Owo eke obuotde idem ye Ami eyenyuñ anam utom eke Ami nnamde; enye eyenyuñ anam utom eke okponde akan oro; sia Ami nnyọhọde ntiene Ete” (John 14:12). Kiet ke otu akpatre item emi Jesus ọkọhọde mme anditiene Enye ekedi “ekukpọh Jerusalem, edi etie ebet se Ete ọkọhọhọde ndinọ” (Utom Mme Apostle 1:4). Enye ama aka iso nditiñ ete ke ana nte enim mmọ Uduok-mmọh Edisana Spirit man ọnọ mmọ odudu ndidi “ntiense” nnọ Jesus ke ofuri ererimbot.

Jesus ama ọhọhọ ndidu ye ikọt Esie “kpukpru ini, tutu osim utit ererimbot” (Matthew 28:20). Mme owo emi ekekopde nte Jesus etiñde mme ikọ oro iduhe uwem isim “utit ererimbot”. Se Jesus eketiñde mi ọkọwọrọ ete ke Imọ iyedu ye kpukpru ikọt Esie, ke mme isua ye emana eke edidide ke iso inyuñ idighe mmọ emi ekedude uwem ke ini Jesus okodude mi ke isọh ikpọh. Kpa nte mme eñwọhọ Esie esuhọde enọ nnyin mfin, ntre nko ke mme ewuhọ Esie esuhọ enọ nnyin. Edieke ikọt Abasi misuanke etop Eti-mbuk emi, mbon efen idikemeke ndikop mbaña erinyaña ukpọh. Abasi inyeneke usuñ efen ke ebete oro ndida nsuan eti mbuk erinyaña ukpọh.

“Ntre ke nnyin idi mme isuñ-utom emi idide ke enyiñ Christ” (2Nwedi Corinth 5:20). Oro ọwọrọ ete nnyin emi ibode erinyaña ida ke ibuot Jesus, Edidem ndidem. Ubak utom nnyin nte mme isuñ-utom edi ndikpe ye mmọ eke mibọhọ erinyaña “ekabare etie ke emem ye Abasi”. Nnyin ibọh akam ibaña mmọ inyuñ isọhọ mmọ idem ndiwọhọre ntiene Ọbọh.

## Edinyik Nto Ke Ima

Ke owo ekededi ọbọde erinyaña ukpọn, esine ke esit esie nditiñ nno mbon efen se Abasi anamde ọno enye. Ima Abasi ke esit esie enyik owo oro nditiñ nno mmọ eken. Idighe kpukpru owo enyene ukeme ndikwọrọ Ikọ Abasi, edi owo eke ọbọde erinyaña ukpọn enyene udọn nditiñ ikọ ntiense nyuñ ñkot mmọ efen eduk edi mme mboho nnyin.

Ke ini owo ọbọde erinyaña ukpọn uwem esie ọkpuhode. “Sese, emekabare edi mbufa” Ndusuk, mbemiso enye ọbọn akam ọbọ erinyaña enye okodu uwem ibuk, inyuñ ikereke ñkpọ ibaña mbon efen. Edi ke emi “ñkani ñkpọ ebe efep” ndien idaha emi enye oyom ndibuaña ye mbon efen se Abasi akanamde ọno enye. Ekenyaña enye man enye anam ñkpọ ọno Ọbọn onyuñ ọno mbon efen uñwam.

Ọbọn ama okot Paul ete edi ọkwọrọ ikọ. Paul ama ekere ete ke edi akpan ñkpọ ọno imọ ndinam mme ñkpọ eke Abasi ọdọnde enye anam. Paul ama ekere ete ke utip eyedu edieke inamde ke edinyime esit. Enye ama otim etiñ enyin ndinam uyo Abasi man enye, “Ke usuñ ekededi edisio mi ke idem mi eduok”. Paul ama ada ediwak ukpọn ọsok Ọbọn edi enye ikobureke mbure ke idem esie. Enye ọkọdọhọ ete, “Nnyeneke ntak mbure . . . koro, idifonke fon inọ mi edieke mmeñkwọrọke Gospel!”.

## Akama-Ukpọhọre

Ndusuk ini ekot nnyin “mme akama-ukpọhọre” koro Abasi amayak mme ñkpọ eke enyenede Enye esin nnyin ke ubok. Se nnyin inyenede, edi Abasi ọno. Enye oyom nnyin ikpeme uwem nnyin, ini nnyin, talent nnyin, ye inyene nnyin. Jesus ama ekpẹp ukpẹp-ñkpọ abaña ñke mme akama-ukpọhọre. Ekedi ñke emi abañade Obio Ubọn Heaven, emi akanade nte nditọ ufok Esie enam ibat ye se mmọ ekebode (Matthew 25:14-30).

Nnyin imekpẹp ito ñke emi ye ndusuk itie Ikọ Abasi efen ete ke usen kiet kpukpru nnyin kiet kiet iyebuk mbuk ibaña idem nnyin inọ Abasi (Ñwed Mbon Rome 14:12). Ndusuk eyebup fi ete; Nte ama odu uwem ọno Ọbọn fo? Amayak talent fo ndida nam ñkpọ nte adade ubọn ọno Abasi? Nte afo omodu uwem ñkop-item ọno Abasi ye Ñwed Abasi?

## Ndinam Akpanikọ

Ke inyenede ifet ndinam ñkpọ nno Abasi inyuñ ibọ uwak edidiọn esie nnyin inyene ndibuana mme uwak edidiọn oro ye mmọ efen. Mmọ eke enamde ñkpọ enọ Ọbọn ke edinyime esit eyebọ akwa utip. Ndinam ñkpọ nno Ọbọn ke ekese ini edi se edade edomo ye edifehe mbuba emi kiet enyenede ndibọ “utip”. “Efehe ndien ke usuñ nte edibode utip” eke Abasi edinode mbon akpanikọ eke etienede Enye.

Abasi iyomke nnyin inam ñkpọ ibe nte ukeme nnyin edide mme inọ Enye ñkpọ awak akan se inyenede. Edi Enye oyom ikot Esie enam akpanikọ enọ Enye (1Ñwed Corinth 4:2). Okposuk edi nte afo ekerede ete ke talent fo iwakke, Abasi oyom fi ada mmọ anam ñkpọ ọno Imọ onyuñ enyene awak akan.

## Mme Anam-Utom Otọ Kiet

Ikot Abasi ekeme nditie ntiense mbaña Ọbọn oto ke uwem ye ikọ ntiense mmọ, edi ikemeke ndinyaña ukpọn mmọ eken. Ọbọn ikpọn-ikpọn ekeme ndinyaña ukpọn owo. Ikot Abasi ebọn akam ebaña mmọ eken enyuñ eñwam mmọ ndibọn akam mbọ erinyaña, edi Spirit Abasi oduri mmọ ọsok Enye (John 6:44).

Ke ini Paul akadade ke iso Felix, enye ama etiñ ikọ ọno andikara abaña “edinen ido, ye mfara idem, ye ikpe eke edidide” (Utom Mme Apostle 24:25). Nte Paul akade iso nditiñ ikọ, Abasi ọdọn ubiom ikpe ọno Felix tutu enye “edikhe”. Paul eketiñ ikọ ntiense ke mbuotidm, ndien Abasi anam udeme utom Esie ke ndidọn ubiom ikpe. Paul etiñ ete, ke nnyin idi “mme abuana-utom ye Abasi (2 Corinth 6:1).

***“Enye ọmọfiok nte odude mi ke udoñ ndida ukpọn nsat itọn ndi, ke ntre Enye ọdọn mi ete nka nnyuñ ntiñ ikọ ima mbaña Enye; Enye ọdọn mi ete ñketiñ utibe ima Esie, ye ntak emi Enye ekedide edikpa; ke ntre nnyin isaña ikpat kiet, Ọbọn mi ye ami”***

Nnyin ñko inyene ndidi “mme abuana-utom” ye kiet eken. Paul ama ọtọnọ ufok Abasi ke Corinth mbemiso enye ọkpọn do. Ekem ọkwọrọ ikọ Abasi emi ekerede Apollos ama ọkwọrọ ikọ Abasi do ndinwam mme owo, Paul ama anam anwaña ete ke ana nte mmọ ebuana utom oro enam nte owo kiet. Paul ọkọdọhọ ete: “Ami ñkọtọ, Apollos ọkọbọk ke mmọn; edi ñkọri oto Abasi . . . Ntem ke anditọ ye andibok ke mmọn edi ukem-ukem: mmọ kiet kiet eyenyuñ ebọ utip mmọ, nte ekemde ye utom mmọ” (1 Corinth 3:6, 8).

Eda Ikọ Abasi edomo ye ndido ikpohidem kiet (1 Corinth 12:12). Ubak kiet me ndido ikpohidem kiet ikemeke ndinam kpukpru utom. Owo kiet kiet enyene utom esie ndinam. Edieke ndido kiet okpude, esin mfina ke ofuri ikpohidem. Nte owo kiet kiet anamde akpanikọ ke ndinam utom esie, utom Ọbọn eyesuk aka iso. Nte afo ke ananam udeme utom fo?

## MME MBUME

1. Anie edi akama-ukpohore?
2. Nso ke Abasi oyom oto mme akama-ukpohore Esie?
3. Didie ke ikot Abasi edi mme isun-utom eno Christ?
4. Ndikabare ntie ke emem ye Christ qworq didie?
5. Nso idi ukpohore ke uwem owo ke ini enye obode erinyaña ukpon?
6. Didie ke owo ekeme ndidi ntiense nno Obon?
7. Anie owo edin Abasi ibat utom esie?
8. Didie ke nnyin ikeme ndidi anam-utom otokiet ye Abasi?
9. Edieke ndito Abasi edide ndido kiet eken, anie ndien edi ibuat?  
Didie ke nnyin ikeme ndida mme talent nnyin nam utom nno Obon?